

✓ **6 қазан**
6 октябрь

ӘРКІМНІҢ ДАУЫСЫ МАҢЫЗДЫ!

РЕФЕРЕНДУМ

ВАЖЕН ГОЛОС КАЖДОГО!



Талдықорған

Үлгі болашағы өз қолымызда!

12+

Газет 1992 жылдың
2-наурызынан шыға бастады



TDKO
TALDYKORGAN ONLINE

www.taldykorgan-online.kz

e-mail: taldyk@bk.ru



@Taldykorganpress

№38 (1828)

Жұма, 20-қыркүйек 2024 жыл / Қоғамдық-саяси газеті

К 80-ЛЕТИЮ ТАЛДЫКОРГАНА

ОТКРЫТ НЕ ИМЕЮЩИЙ АНАЛОГОВ ВОЛЕЙБОЛЬНЫЙ ЦЕНТР

В Талдықоргане состоялось торжественное открытие современного волейбольного центра для профессионального волейбольного клуба «Жетісу», а также четырехэтажного жилого дома для спортсменов. Данный центр не имеет аналогов в Казахстане.



В открытии Центра приняли участие аким области Жетісу Бейбит Исабаев, ветеран спорта Туратбек Чарапинов, предприниматели-меценаты Кенес Ракышев, Ерлан Калкабаев и Асет Бертаев. Почетными гостями мероприятия стали известные спортсмены, прославившие страну на международной арене: призер Олимпийских игр Маулен Мамыров, победитель и серебряный призер турнира «Қазақстан Барысы» Улан Рыскул и Руслан Абдыразаков, экс-игроки ПВК «Жетісу» и ветераны спорта Карина Ишимцева, Ольга Данченко, Марина Андреева, Татьяна Пюрова, Катерина Татко.

«Перед нами Главой государства поставлена задача создать максимально благоприятные условия для развития массового спорта. В этой связи открытие современного волейбольного центра для клуба «Жетісу» создает новые точки для профессионального роста наших спортсменов и благоприятные условия для взаимодействия собственных местных кадров, молодых спортсменов. Следующим шагом станет создание Академии волейбольного клуба «Жетісу», куда с общеобразовательных школ будут отбираться дети, имеющие талант к волейболу. В этой академии они будут не только осваивать общеобразовательную программу, но и усиленно заниматься волейболом. Таким образом, поэтапно будем воспитывать своих игроков, своих будущих чемпионов», - подчеркнул в своем приветственном слове аким области Бейбит Исабаев.

Глава региона также отметил, что волейбольный центр построен за счет средств из местного бюджета, а жилой дом для спортсменов – на средства инвестора. От лица жителей области Бейбит Исабаев поблагодарил присутствовавшего на церемонии предпринимателя-мецената Кенеса Ракышева за вклад в развитие массового спорта в Жетісу.

После традиционной церемонии перерезания ленты гости и все желающие ознакомились с внутренним обустройством новых объектов. Так, в волейбольном центре предусмотрены два отдельных тренировочных зала для основных составов мужской, женской команд ПВК «Жетісу», а также молодежных дубль-составов. На 2 этаже расположены комнаты тренеров, раздевалки, медицинский и массажный кабинеты, сауна и душевые, а на 3 этаже – тренировочный зал и административные кабинеты. Общая площадь трехэтажного здания превышает 2,3 тыс. кв. метров.

Рядом расположенный жилой дом для спортсменов рассчитан на 41 место. Общая площадь превышает 3 тыс. кв. метров. В четырехэтажном здании с подвалом имеется 2 подъезда. В одном из них 12 однокомнатных и 3 двухкомнатных малосемеек,

в другом – 26 комнат с отдельными санузлами. В доме имеются все необходимые санитарно-бытовые помещения, включая буфеты, комнаты отдыха, кухни, прачечные.

В своем интервью директор женской команды ПВК «Жетісу» Нияз Жанттилеуов отметил, что волейбольный центр отличается высоким профессиональным уровнем.

«Волейбол – это физически сложный вид спорта для спортсменов, требующий широкого диапазона движений. Поэтому одно из главных требований – качественное напольное покрытие. Прежде всего, пол должен быть не травматичным, а значит мягким, с амортизирующими свойствами. Здесь, в новом центре, это важнейшее требование соблюдено в первую очередь. Привезено напольное покрытие из Франции, которое соответствует олимпийским международным требованиям», - сказал Нияз Жанттилеуов.

В целом в рамках исполнения поручения Главы государства по развитию массового спорта в этом году в области Жетісу ведется строительство новых 17 спортивных объектов, из которых 5 уже введены.

Алма УРАЗАЕВА
Фото Жениса ЫСКАБАЯ

ӘДІЛЕТТІ ҚАЗАҚСТАН

РЕФЕРЕНДУМҒА ҚАТЫСУ – МІНДЕТТІ

Мемлекет басшысы Қасым-Жомарт Кемелұлы Тоқаев Қазақстан халқына арнаған «Әділетті Қазақстан: заң мен тәртіп, экономикалық өсім, қоғамдық оптимизм» атты Жолдауында табанды еңбектері үшін барша халыққа ризашылығын білдіріп, азаматтардың бойында жаңа өдеттер мен дағдылардың қалыптасуы, жаңа құндылықтарға қарай бет бұруы Әділетті Қазақстанның қазіргі нышаны екенін айтып өтті.



Экономиканың әртараптануы, инфляцияның төмендеуі, халықаралық резервтің толығы дамуы жаңа бағдарын айқындай түскеніне баса назар аударды. Сонымен қатар ел дамуының нақты тоғыз бағытын айқындап берді. Әр бағыттың қазақстандықтар үшін маңызы зор. Жолдаудың төртінші бағыттағы инфрақұрылымға қатысты өзекті мәселелерді шешу барысында ең алдымен энергетика және коммуналдық шаруашылық саласында жұмысты қарқынды жүргізу керектігін атап өтті. Осы орайда әлемдегі энергия тапшылығының күшейіп бара жатқанын, бұл біздің елімізді де орап етпейтінін, сондықтан бізге сенімді және экологиялық таза қуат көздерінің аса қажет екенін ескеріп, атом энергетикасын дамытуға баса мән беруіміз керек деген болатын. «Ел өміріндегі әрбір маңызды қадам жұртшылықпен бірлесіп жасалуға тиіс. Атом электр стансасы туралы референдумға қатысты да дәл солай болуы керек. Былтыр мен бұл мәселе бойынша өз пікірімді айттым, яғни, референдум тақырыбының қоғам талқысына түскеніне бір жыл болды. Бұл азаматтарымыздың жан-жақты ойланып, салмақты шешім қабылдауына жеткілікті мерзім деп ойлаймын», - дей келе, атом электр стансасын салу мәселесіне қатысты жалпыұлттық референдумды 6 қазанға белгіледі. Президентіміздің осынау қадамға ел болашағын ойлағаннан барып отырғанын барша қазақстандықтар жақсы түсінеді. «Халық үніне құлақ асатын мемлекетке» тән сипатты қолдай отырып, АЭС – өмірімізге аса зор өзгеріс әкеліп, экономикамыздың қарыштап дамып, халықтың тұрмыс сапасына оң әсер береді деп ойлаймын. 6 қазан күні мемлекетіміздің әр азаматы өз учаскесіне барып, дұрыс таңдауын жасайтынына сенемін. Ғаламтор, БАҚ арқылы беріліп жатқан ғалымдарымыз бен сала мамандардың пікірінше құрылысы он жылдай уақытқа созылатын нысанды салуға елімізден мыңдаған жұмысшы күші тартылып, жастарымыз білімдерін тәжірибемен ұштастыруға мүмкіндік алады. Өзім Талдықорған қалалық аумақтық референдум комиссиясының мүшесі ретінде және «Талдықорған қаласының жұмыспен қамту және әлеуметтік бағдарламалар бөлімі» ММ басшысы ретінде әрбір дауысқа ие мүгедектігі бар азаматтарға тұрғылықты мекенжайы бойынша дауыс беретін учаскесіндегі қолжетімділікті қамтамасыз ету басты міндетім деп санаймын. Осыған орай, қазіргі таңда қала бойынша бекітілген учаскілердің қолжетімділігі қанағаттанарлық дәрежеде. Сол себепті қалалық аумақтық референдум комиссиясы төрағасының басшылығымен бейімдеу жұмыстары қарқын алуда.

Мәди ШӘКЕНОВ,
«Талдықорған қаласының жұмыспен қамту және әлеуметтік бағдарламалар бөлімі» ММ басшысы, Талдықорған қалалық аумақтық референдум комиссиясының мүшесі

2024 жылғы 6 қазанда республикалық референдум өткізу кезеңінде сайлау учаскелерінің мекенжайлары мен нөмірлерін тексеру үшін Call-орталығы



Call-центр для проверки адресов и номеров избирательных участков в период проведения республиканского референдума 6 октября 2024 года

Талдықорған қаласы бойынша **8 (7282) 40-20-31, 8 (7282) 40-20-30** бірыңғай нөмірі бар Call-орталық іске қосылды, ол арқылы 2024 жылғы 6 қазанда өтетін республикалық референдумда дауыс беруге арналған сайлау учаскесінің мекенжайы мен нөмірін тексеруге болады.

Call-орталық дүйсенбі және жұма күндері сағат 9.00-ден 18.30-ға дейін жұмыс істейді, түскі үзіліс уақыты 13.00-ден 14.30-ға дейін.

В городе Талдықорған запущен Call-центр с едиными номерами **8 (7282) 40-20-31, 8 (7282) 40-20-30**, посредством которого можно проверить адрес и номер избирательного участка для голосования на республиканском референдуме 6 октября 2024 года.

Время работы Call-центра с понедельника по пятницу с 9.00 до 18.30 часов, обеденный перерыв – с 13.00 до 14.30.

РАБОЧИЙ ВИЗИТ ЖЕТИСУ И СУАР: РАСШИРЕНИЕ СОТРУДНИЧЕСТВА

На днях аким Области Жетісу Бейбит Исабаев принял делегацию Синьцзян-Уйгурского автономного района во главе с заместителем председателя Народного правительства СУАР КНР Сунь Хунмэй.

Как отметил Бейбит Исабаев, на сегодня в области достигнуты неплохие результаты двустороннего сотрудничества. Так, по итогам первого полугодия текущего года товарооборот между областью Жетісу и КНР составил 1,2 млрд долларов США. В целом Китай является крупным экономическим партнером, доля которого составляет больше 80% от всего внешнего товарооборота области, имеющей около 600 км общей границы с КНР.

«Одним из перспективных направлений наших партнерских отношений является транзитный потенциал региона. У нас имеются две точки экономического роста - это Достыкское и Хоргосское направления. Мы являемся единственным регионом в республике с пятью таможенными постами на границе с Китаем, - отметил глава региона. - В целях развития Достыкского направления полностью завершена реконструкция автомобильной дороги от города Алматы до станции Достык. Также в текущем году на станции Достык завершится расширение автомобильного пункта пропуска Алаколь, что позволит увеличить количество полос движения с 2-х до 6-ти, а пропускную способность - с 200 до 1600 транспортных средств в сутки. Ведется строительство второй линии железнодорожной ветки Достык-Мойынты, что также позволит в разы увеличить пропускную способность станции Достык».

Вместе с тем, по словам Бейбит Исабаева, успешным казахстанско-китайским совместным проектом является сухой порт «KTZE-Khorgos Gateway», реализованный на территории СЭЗ «Хоргос-Восточные ворота». Ключевым проектом на этой же территории является строительство индустриального парка ТОО «Казахстанско-китайский международный промыш-



ленный город». Всего в настоящее время на территории области Жетісу реализуются семь инвестиционных проектов при участии партнеров из Китая на общую сумму свыше 357 млрд тенге в сфере сельского хозяйства, обрабатывающей отрасли и торговли.

В свою очередь Сунь Хунмэй отметила, что это ее второй визит в Жетісу. В ходе диалога она остановилась на основных направлениях, касающихся дальнейшего расширения сотрудничества между СУАР и областью Жетісу, в частности ее волновали вопросы развития инфраструктуры автомобильного пункта пропуска «Нур жолы» - увеличение пропускной способности, создание условий для быстрого пересечения границы как для водителей на большегрузных машинах, так и для лиц на частном транспорте.

Подчеркнув, что в регионе принимаются все меры для того, чтобы приграничные автомобильные и железнодорожные пункты пропуска работали эффективно, Бейбит Исабаев напомнил о важности создания на двух пунктах пропуска совместной фитоветеринарной лаборатории, что даст возможность упростить процедуры экспорта сельскохозяйственной продукции региона, и соблюдения правопорядка.

В ходе встречи стороны также обсудили развитие двусторонних связей в сфере «зеленой» энергетики, туристических и культурно-гуманитарных направлениях, а также вопрос привлечения инвестиций.

В завершение участники встречи договорились о проведении в ноябре первого совместного заседания по вопросу создания совместных механизмов координации деятельности МЦПС «Хоргос».

Алма УРАЗАЕВА
Фото Дмитрия ЕРОФЕЕВА

ЮБИЛЕЙНАЯ ДАТА

Средняя школа-лицей №5 имени М.Ломоносова уже 60 лет с 1964 года гостеприимно распахивает свои двери перед теми, кто пришел окунуться в прекрасный мир знаний. Каждый день учителя, ученики торопятся в школу, в которой проводят большую часть дня, а значит – жизни.

Несколько сотен выпускников получили в стенах нашей школы знания, спортивную закалку, добрую поддержку и заботливое внимание учителей. Для каждого поколения она была своей, особенной, но всегда родной и любимой, так как традиции школы свято сохраняются и передаются из года в год. Наша школа – это маленький городок, в котором живут счастье, дружба, надежда и труд, веселый смех, добрые и любознательные лица.

Зачинателями традиций, основателями будущих успехов был первый директор Яровой Георгий Алексеевич, Васильева Любовь Самуиловна. 30 лет посвятила школе в должности директора Ингенбаева Айнаш Сералиевна. Они отдавали свои силы, знания, любовь своей родной школе. Они создавали историю, жили и работали так, что лучики их света и тепла еще долго будут согревать всех нас.

В настоящее время возглавляет школу-лицей №5 Маденова Алия Бахытбековна, прошедшая путь от учителя до руководителя.

Сплоченный педагогический коллектив высококлассных специалистов-профессионалов - условие успешного обучения и развития учеников, высоких результатов работы, изучения и реализации прогрессивных инноваций, технологий, методов, воплощения в жизнь девиза «Быть лучше среди равных!».

На современном этапе развития образования средняя школа-лицей №5 имеет большой опыт работы с одаренными детьми. Взаимодействие педагога и ребенка строится на основе: «Мы — две личности, два неповторимых человека на Земле (субъектно-субъектные от-



лет –

ШКОЛЕ-ЛИЦЕЮ №5



ношения), вместе открываем, исследуем этот мир». И для этого педагог должен реально осознавать себя субъектом. Еще А.А. Ухтомский сказал, что природа наша делаемая, поэтому совершенствовать себя, работать над своим личностным ростом можно и нужно в любое время. Прежде всего, у педагога должно быть такое качество, как гибкость в поведении, мышлении, эмоциональном реагировании. Он должен уметь легко отказываться от не соответствующих ситуаций или задаче средств деятельности, приемов мышления, способов поведения. Уметь выработать или принимать новые, оригинальные подходы к разрешению различных ситуаций при неизменных целях и идейно-нравственных основаниях.

В рамках своих предметов учителя английского языка Куракова Л.В., Бельгибаева Ж.Н., химии Чувазов М.С. и Сахиев С., биологии Сарсенова Р.М. и Таскынбаева А., физики Санкайбаева А., Акимжанова А.А., Щербачев И.Р., математики Сексембаева Г.С., Нургербекова А.И., Абдыкаримова А.Ж., Бикташева А.М., Хаустова В.В., Алдашова А.М. ведут исследования и прогнозируют интеллектуальные возможности школьников,

создают условия для реализации потенциальных способностей и самовыражения личности. Эти учителя отличаются ярко выраженным стремлением к саморазвитию и самоактивизации, верой в собственные силы, самоуважением. Они смелы и энергичны, склонны к экспериментированию, у них творческий стиль деятельности.

Ученики СШЛ №5 им. М.Ломоносова в течение нескольких лет сохраняют высокий процент участия в городском, областном этапах олимпиад, научных соревнованиях. Имеются призеры и на международном, республиканском уровнях. Тем самым, использование материала научно-исследовательской работы на дополнительных уроках расширяет кругозор ученика, развивает пространственное представление и мышление.

В школу приходит много молодых учителей, которым необходимо помочь в организации работы с детьми. Важно направить ребенка

МАЛЫЙ И СРЕДНИЙ БИЗНЕС ОТ МОЛОКА ДО ДОМАШНЕГО СЫРОДЕЛИЯ

Многолетняя мама из города Талдыкоргана Жанар Турганбаева занимается производством настоящих крафтовых сыров ручной работы, которые она недавно представила на ярмарке-выставке «Одно село - один продукт».



Впервые свою продукцию бизнесвумен изготовила три года назад. Жанар за консультацией и поддержкой обратилась в региональную Палату предпринимателей «Атамекен». Открыла ИП «Жетысу-баракат» и теперь успешно производит молочную продукцию. При поддержке Палаты предпринимателей Жанар приняла участие в получении гранта в размере 200 МРП. Выиграв, приобрела инвентарь, в том числе прибор pH-метр, необходимый для определения кислотности.

Для приготовления сыров используется местное сырье, исключительно цельное фермерское молоко высочайшего качества, без добавок и консервантов. Каждый сыр выдерживается в тщательно контролируемых условиях, что позволяет полностью раскрыть его уникальный вкус и аромат. Сыроварня предлагает сыры, которые становятся настоящим гастрономическим наслаждением, сохраняя все полезные свойства натурального молока.

Предприниматель рассказала, что до участия в мероприятии сыры готовила только для домочадцев, родных и близких, однако на ярмарке ее товар неплохо разошелся, и теперь Жанар задумалась над ре-

ализацией собственной продукции через торговые точки. В ассортименте ее продукции такие виды сыров, как моцарелла, буррата, халлуми, чечил сливочный, кефир с пробиотиками, курт из цельного молока, творог, полутвердые и твердые сыры.

«Весной я обратилась в Палату предпринимателей за консультацией. Стала участником проекта «Одно село - один продукт», вышла в полуфинал. Это был мой первый большой шаг в сыроделии и развитии моего бизнеса. С тех пор заказы на мою продукцию увеличились. «Атамекен» оказывает мне большую поддержку во всем», - рассказывает Жанар Турганбаева.

В дальнейшем планах у бизнесвумен - расширение производства, приобретение цеха, а также выход на реализацию продукции посредством местных магазинов и супермаркетов.

Алмагуль ЖАНДОСҚЫЗЫ

уметь вставать в рефлексивную позицию к самому себе. Так, одним из основных психологических принципов работы с детьми является принцип «принятия другого», согласно которому учитель должен изначально принимать ученика как индивидуальность со своими уже сложившимися особенностями.

Учитель начальных классов – профессия особая. Большая ответственность и большая любовь – определяющее качество этой специальности. Учителя Садвокасова К., Акынбекова Ш., Валиева А., Кузнецова Е., Турарова Ж., Турсынбекова Д., Досымбекова З., Касымова А., Рашидова Б., Кантарбаева Б., Наурызбаева К. помогают молодым коллегам сформировать профессионально-личностную позицию педагога.

Педагогический коллектив лицея умеет вдохнуть в учащихся жажду знаний, стремление ко всему новому, страсть к поиску, воспитать у учащихся стремление к самостоятельности, сформировать у них активную жизненную позицию, старается воспитать настоящего человека, достойного гражданина.

Вот так и течет, бурлит, не останавливаясь, школьная жизнь. Спорит, открывает, ошибается, стремится, достигает новых высот школьное сообщество, одно поколение учителей и учеников сменяет другое, но неизменно остается дух братства, сотрудничества и взаимопомощи – главная составляющая школы, то, что формирует коллективом учителей, учеников и их родителей. Древняя мудрость гласит: «Велик тот учитель, который исполняет дело, чему учит, владеет всеми секретами своей профессии, потому что добросовестно и успешно проходит все ее ступени».

С юбилеем, средняя школа-лицей №5 имени М.Ломоносова!

Галия СЕКСЕМБАЕВА,
учитель математики СШЛ №5



ӘДІЛЕТТІ ҚАЗАҚСТАН ХАЛЫҚ ҚАЛАУЛЫСЫ ТҮРҒЫНДАРМЕН ЖҮЗДЕСТІ

Талдықорған қалалық мәслихатының төрағасы Темірболат Ахажан Еркін ауылы, яғни, №17 сайлау округі сайлаушыларымен кездесті. Кездесу Еркін ауылындағы №26 орта мектептің ақт залында өтті.



Жиында ауыл әкімі Қанат Рысбеков осы жылы қолға алынып атқарылған жұмыстарды саралап шықты. Еркін ауылы мен «Көктал» тұрғын үй алабында балалар алаңы қолданысқа беріліп, бірқатар көшеге асфальт төселуде. Жалпы айтқанда, үш жылда ауылда 37 көше жолдары қалпына келтіріледі. Тұрғындар өтініші де қараусыз қалмайды. Оңды шешімін табуда. Сөз алған тұрғындар тазалық, арық су мәселелеріне назар аударды.

Жиынға қатысқан халықтық штабтың мүшелері де сөз алды. Халық арасында талқылауға ие болып жатқан атом электр стансасын салуға қатысты ойларымен бөлісті. Баршаға белгілі, 6 қазанда халықтық референдум өтеді.

Жақында Президентіміз Қасым-Жомарт Тоқаев «Әділетті Қазақстан: Заң мен тәртіп, экономикалық өсім, қоғамдық оптимизм» атты Жолдауын халыққа арнаған болатын. Маңызды құжатта ел дамуы жолындағы 9 басым бағытты атап көрсетті.

Қазір әлем бойынша энергия тапшылығы күшейіп барады. Сондықтан да, елімізге экологиялық таза қуат көздері қажет. Сондықтан біз атом энергетикасын дамытуға баса мән беруіміз қажет. Қазір дамыған және дамушы мемлекеттерде 200-ге жуық атом электр стансасы жұмыс істеп тұрғандығы белгілі. Еліміздегі атом

электр стансасын салу ісі көпшіліктің дауысымен шешілмек.

Халықтың штаб мүшелері Айтақын Бұлғақов, Кендебай Темірбайұлы ұлттық мүддені ойласақ, алға жүріміз керектігіне тоқталды. Қазіргі таңда жаңадан құрылған облысымызда айтарлықтай жақсылықтар көп. Күні кеше ел игілігіне волейбол кешені қолданысқа берілді. Шағын және орта кәсіпкерлік даму үстінде. Тұрғындардың жеке қолданысы өз алдына. Қанша әлеуметтік мекемелер, ұйымдар, кәсіпорындар жұмыс жасайды, олардың бәрі күнделікті энергияға, қуат көздеріне тәуелді. Біз судан, желден, күннің көзінен, көмірден электр энергиясын алып отырмыз. Бірақ, бұл қорлар шексіз емес. Энергия тапшылығын болдырмау үшін қазірден қамдануымыз керек. Сондықтан да, АЭС болашағымыз үшін қажет.

Жиында ауыл тұрғындары, ардагерлер алқасының мүшелері депутаттың ауылдың көркеюіне, дамуына атсалысып жатқандығына көңілдері толатындығын атап өтті. Мәдениет үйі, мектеп құрылысы қаржы тапшылығына байланысты кейінге шегерілді.

Жиынды қорытындылаған Темірболат Ахажан ел игілігі жолындағы жұмыстарды бірлесе атқара беретіндігіне тоқталды.

Данагүл МӘКЕН

АУҚЫМДЫ РЕФОРМАҒА ҚОЛДАУ

Талдықорған қаласындағы «Еңбек ресурстары және белсенді ұзақ өмір сүру орталығы» КММ-де Мемлекет басшысы Қасым-Жомарт Тоқаевтың Қазақстан халқына Жолдауын талқылау жиналысы өтті.



2024 жылдың 13 қыркүйегінде «Еңбек ресурстары және белсенді ұзақ өмір сүру орталығы» КММ-де өткен жиналысқа орталықтың 38 қызмет алушы зейнеткерлері қатысты. Жиналысты мекеме басшысы Асет Джексембаев ашып, Жолдаумен таныстыру үшін мекеменің кеңесшісі Нұрғали Тортаевқа сөз берілді.

Н.Тортаев қызмет алушыларды Жолдаумен толық таныстырып, Президент депутаттарға өткен сессияда атқарылған жемісті жұмыстарына баға беріп, еліміздің саяси экономикалық, құқықтық, әлеуметтік дамуына септігін тигізетін 102 заң қабылданғанын атап өтті. Қазақстан халқы қазір мүлде жаңа саяси жағдайда өмір сүріп жатқандығын, соңғы 5 жылда жасалған ауқымды реформаларды, еліміздің саяси жүйесінің түбегейлі өзгергендігін, азаматтардың бойында жаңа әдеттер, дағдылар қалыптасып жаңа құн-

дылықтар орнығуда екендігіне тоқталды. Жиналыста 2024 жылдың 6 қазанында өтілетін жалпыұлттық референдум туралы толық мағлұмат берілді.

Президент, әлемде энергия тапшылығының күшейіп бара жатқандығын, экономикамыздың дамуы үшін мол энергияның қажеттілігін, мұндай сұранысты тек атом энергетикасы қамтамасыз ете алатындығына тоқталды. Ел өміріндегі әрбір маңызды қадам жұртшылықпен бірлесіп жасалуға тиіс. Атом электр стансасы туралы референдумға қатысты дәл солай болуы керек. Шын мәнінде, бұл «Халық үніне құлақ асатын мемлекетке» тән сипат, деп атап өтті. Жиналыста қызмет алушылар осы мәселе төңірегінде өз пікірлерін ортаға салып, бірауыздан Мемлекет басшысының пікірін қолдап, референдумға қатысатын болып тарасты.

Өз тілшіміз

ОЙТОЛҒАУ



АЭС САЛУДЫҢ ҚАНШАЛЫҚТЫ ҚАЖЕТІ БАР?



Бұл сұрақ қоғамда кеңінен талқыланып жатыр, сондықтан мен осы тақырып бойынша бірнеше пікірмен бөліскім келеді:

- АЭС салу елдің әлеуметтік жағдайын жақсартады;
- Бір АЭС бірнеше миллион үйді үздіксіз электр энергиясымен қамтамасыз етеді;
- Елдің өндірістік және ғылыми-техникалық әлеуетін нығайтады, жоғары технологиялық салаларды, медицина саласындағы зерттеулер мен инновацияларды дамытуға мүмкіндік туғызады;
- 2 мыңнан 8 мыңға дейін жаңа жұмыс орындары ашылады;
- АЭС-тің салынуы ғылыми зерттеулер мен технологиялық дамуға ықпал етеді, инженерлік, физикалық және энергетикалық салаларда білім мен ғылымды жетілдіреді.

Еркебұлан АҚБОЛАТОВ,
Жетісу облыстық мәслихатының депутаты

СҰРАНЫСТАН ТУҒАН БАСТАМА

Қазіргі таңда АЭС салу керек пе, жоқ па деген мәселе тренд тақырып болып тұр. Елімізде атом стансасының тағдырын нақтылау тұрғысында қоғамда қызу талқылап жатыр. Мемлекет басшысы Қасым-Жомарт Тоқаев халыққа арнаған Жолдауында да Қазақстанның экономикалық өсу жолдарына тоқталды.

Елімізге сарқылмас қуат көздері керек. Оны біз АЭС салу арқылы шешетіндігімізді білікті мамандар мен ғалымдар айтуда. АЭС салу бүгінгі күннің сұранысынан туған бастама деп ойлаймын.

Болашақта бұл еліміз үшін дамудың драйверіне, қозғаушы күшіне айналмақ. Жалпы сайлаушылар арасында көптеген мәселелерді шешіп келеміз. Олардың айтатыны біз энергия көзі тапшы болғандығын қаламаймыз дейді. Дүниежүзі елдеріне қарасақ, әлемде барлық елде АЭС бар. Бұл арқылы өз ғылымдарын дамытып, алға жылжуда. АЭС салу еліміз үшін өте маңызды, болашақ үшін қажет.



Гүлниса ТҰЛЫМШАҚОВА,
Талдықорған қалалық мәслихатының депутаты

АТОМ ҚУАТЫ — АДАМ ИГІЛІГІ

Бүгінде аймақта әлеуметтік орталықтар, жайлы мектептер, ауруханалар салынуда. Бұл нысандардың барлығына, өміріміздің барлық тұсында электр қуаты керек. Қазіргі таңда елімізде электр қуатының тапшылығына байланысты біз шет елден сатып алып отырмыз. АЭС құрылысы елдің энергетикалық қуатын арттырудың алғышарты болмақ. Сондай-ақ, атом электр стансасы жобасы мыңдаған жұмыс орындарын ашып, станса орналасқан аймақта инфрақұрылымның дамуын ынталандырады. Атом энергетикасы ұзақ мерзімді перспективада электр энергиясының тұрақты бағасын қамтамасыз етеді. Бұл әсіресе, өнеркәсіпті дамыту және Қазақстан экономикасының бәсекеге қабілеттілігін арттыру үшін маңызды.

Шалқар ОРАЗБАЕВ,
Талдықорған қалалық мәслихатының депутаты

ТАРИХИ ҚАДАМ

Атом электр стансасын салу мәселесі – елімізде бүгінгі күні басты тақырыбы. Қоғамдық ұйым белсенділері, мемлекеттік мекеме қызметкерлері, жастар, қарапайым халық өз ойларын, пікірлерін ортаға салуда.

Басым көпшілігі АЭС салу өте маңызды екенін жеткізді. Еліміздің экономикасының дамуына, халқымыздың санының өсуіне байланысты электр энергиясын қолдану жылдан-жылға артып келеді. Сонымен қатар, көмірмен жұмыс істейтін электр стансалары ескірген және ауаны ластауда. Электр энергияны көрші елдерден тасымалдау тәуелділігінен арылу мақсатында өзімізде АЭС салу барлық жағынан тиімді деп есептеуде. Атом электр стансасында күндердің күнінде апат болып табиғатқа, адамзатқа қасірет әкеледі деген қорқыныштан аулақ болуымыз керек. Шындығында, тарихта мұндай жағдайлар болғаны рас. Алайда, оның бәрі өткен шақ. Қазір атом электр стансасын салу кезінде сол апаттардан қорытынды шығарып, қауіпсіздік шараларын күшейтіп, әлемдік стандарттарға сәйкес құрылыс жүргізу қатаң бақылауға алынып отыр. Әлемдік тәжірибе көрсеткендей, АЭС бар мемлекеттерде жаңа технологиялар дамуда, жаңа өндірістік жұмыс орындары көбеюде, ауаның ластануы азаяуда, тұрмыс жағдайлары өсу үстінде. Қазақстанда атом электр стансасы салынған жағдайда еліміздің экономикалық, экологиялық басқа да әлеуметтік мәселелері дамып, қоғамға, халыққа тигізер пайдасы зор екендігіне сенімдіміз.

С.ДОЛАЕВ,
«Н.Островский атындағы
№8 орта мектеп» КММ директоры

МЕРЕКЕ АЯСЫНДА



ТАЛДЫҚОРҒАН АРУЫ АНЫҚТАЛДЫ

Қаламызда гестүрлі түрде өтетін «Талдықорған аруы-2024» байқауы көпті. Сұлулық сайысы «Қазақстан аруы» ұлттық байқауының дирекциясымен келісіліп, қалалық мәдениет және тілдерді дамыту бөлімінің ұйымдастыруымен өткізілетін ресми жоба. Биылғы жылы 15-ші мәрте ұйымдастырылған шара қаламыздың мерейлі 80 жылдығымен тұспа-тұс келді.

Байқаудың мақсаты – қазақ тілінің, ұлттық кәсіптердің, мәдени мұраның, ұлттық киімдердің, дәстүрлі тағамдардың этникалық негіздерін сақтау және насихаттау. Қазіргі қазақ қыздарының рухани ажарын көрсету, жастарды сүйспеншілікке, сыйластыққа тәрбиелеу, ұлттық рух пен мәдени мұраны сақтау. Ағымдағы жылы сайыстың іріктеу кезеңіне 58 ару өтінім беріп, 15 үміткер ақтық кезеңге жолдама алды. Олардың арасында бокстан спорт шебері, үздік студенттер мен түрлі салада белсенді бойжеткендер бар. Байқау қорытындысы бойынша «Мисс Талдықорған-2024» сұлулық байқауының жеңімпазы, бас жүлде иегері Көркем Абдирзақ атанды. Сұлулық байқауының жеңімпазы атанған аруды Талдықорған

қаласы әкімінің орынбасары Жеңіс Андабеков 1 000 000 теңге көлемінде ақшалай сыйлықпен марапаттады.

Жалпы «Қазақстан аруы» Ұлттық байқауының негізі 1997 жылы қаланған, «Ғалам аруы», «Өлем аруы» және «Жер аруы» атты ірі әлемдік конкурстардың эксклюзивті лицензияларының жалғыз иегері. Бірнеше жылдан бері «Сұлулық мейірімділікте» атты ұранмен өтіп келе жатыр. Яғни, арулар бірқатар қайырымдылық және әлеуметтік науқандарға қатысып, тұрмысы төмен отбасыларға, қарт адамдарға және балаларға қол ұшын созады. Аталмыш байқау – арулар үшін өздерін жан-жақты көрсетуге арналған мүмкіндік алаңы.

Назерке ӘДІЛБЕКОВА

ҮЗДІК КЕЛІН

Қала күні мерекесі қарсаңында «Талдықорған қаласының ішкі саясат бөлімі» ММ, «Ұмтылыс Q» ҚБ ұйымдастыруымен «Үздік келін» сайысы өтті. Келіндер шығармашылық қабілеттерін, аспаздық шеберліктері мен ұлттық салт-дәстүрді меңгеру деңгейлерін көрсетті.



Шараның мақсаты – мемлекеттік тілге құрмет көрсету, халқымыздың тарихы мен мәдениетін құрметтеу, әдет-ғұрпымызды кеңінен насихаттау. Сонымен қатар қазақ келініне тән әдептілік, ізеттілік, ісмерлік пен тапқырлықты дәріптеу. Талдықорған қаласы ішкі саясат бөлімінің басшысы Нариман Естібаев: «Қыз баланың мына өмірдегі міндет-парызының жүгі ауыр, әрі ардақты. Ол - адамзат ұрпағын өмірге әкелетін болашақ ана, үй ұстап, жар күтетін адал жар, ата-ене сыйлап, иілетін қамқор келін». Расымен де әйел бір қолымен бесікті, бір қолымен өлемді тербетеді. Дана халқымыз «Ұл туса, ұрпағым өседі, қыз туса, ұлттым өседі» деп тегін айтпаса керек. Аталмыш байқауды ұйымдастыру арқылы отбасы құндылықтарын сақтай отыра өнегелі өмірдің бір бөлігін көрсетіп, ұрпақтар

сабақтастығын жалғастырымыз келді» - деді. Алғашқы кезеңде сайысқа қатысушылар өздерінің шыққан тегі мен түскен шаңырағынан ақпарат беріп таныстырса, екінші кезеңде шығармашылық қабілеттері сынға түсті. Сондай-ақ, дайындаған ұлттық тағамдарын ұсынып, жеке-жеке тоқталып өтті. «Сұрақ-жауап» кезеңінде келіндер қазақтың ұлттық салт-дәстүрлері мен әдет-ғұрыптары туралы сауалдарға жауап берді. Шара қорытындысы бойынша жүлделі I орынды Болатхановтар әулетінің келіні Жазира Қожаханова, II орынды Қаримжановтар әулетінің келіні Айнұр Омарғалиева, III орынды Мұратбековтар әулетінің келіні Ақерке Тоқтарова иеленді. Жеңімпаздар арнайы Алғыс хат, қаржылай сыйақымен марапатталды.

Назерке ӘБІЛҒАЛИҚЫЗЫ

«ТАЛДЫҚОРҒАН CUP» ТУРНИРИ

Облыс орталығы Талдықорған қаласының қала мәртебесін алғанына 80 жыл толуына орай ұйымдастырылған сайысқа Жетісудан бөлек, Алматы облысы және Алматы қаласынан келген 16 команда қатысты.



Екі күнге созылған ойын өте тартысты өтті. Финалдық бәсекеде «Альсар-Мансур» – «FC Bakanas» командалары кездесіп, 4:3 есебімен «Альсар-Мансур» құрамасы жеңіске жетті.

Чемпиондарға миллион теңге қаржылай сыйлық табысталды. Екінші орын

«FC Bakanas» командасына бұйырса, үздік үштікті Талдықорған қаласының «Қазақтелеком» командасы түйіндеді.

Қала әкімі Ернат Бәзіл қатысушыларға алғыс айтып, мұндай жарыстар дәстүрлі түрде өтетіндігін хабарлады.

АТПЕН СЕРУЕНДЕУ ДЕНСАУЛЫҚҚА ПАЙДАЛЫ

Талдықорғанда ерекше күтімді қажет ететін балаларға «Иппотерапия» оңалту кешені іске қосылды.

Қазіргі таңда ерекше күтімді қажет ететін балаларға бұл тәсілді қолдану неврологиялық және тірек қимыл қозғалысын емдеуде пайдасы зор. Қазақ жылқының қадірін бұрыннан білген. Сондықтан болар, мұнда келушілер қатары көбеюде.

Сонымен қатар, иппотерапия жүрек қан айналым жүйесін жақсартып, жүйке жүйесі ауруларын да емдейді.

Ат үстіндегі серуен науқастың физикалық әлеуетін арттырып қана қоймай, тірек-қимыл аппараты зақымданған, тумысынан сал ауруымен сырқаттанатын балаларға да таптырмас ем. Сондай-ақ, ат үстінде жүру адамға эмоциялық жағынан да жағымды әсер етеді.


Бұл тәсілмен емдеу бүгінде қарқынды дамуда.



ТУҒАН КҮНІҢМЕН ТАЛДЫҚОРҒАН!

БАРШАҢЫЗДЫ ШАҚЫРАМЫЗ!

Баршаңызды айтулы мерекеге - 80 жасқа толған Талдықорған қаласының күніне шақырамыз!



сағат 11:00-ден 22:00-ге дейін



«Жастар» саябағы

Мерекеді көптеген түрлі-түсті шоу-бағдарламалар мен жұлдыздардың қойылымдары болады. Атап айтқанда:

- 1) Мерекенің хедлайнерлері: Say Mo, Kalifaniya.
- 2) Үлкен шарлар – аэростаттарда серуендеу.
- 3) Үлкен батуттары бар, балалар ойын алаңы.
- 4) Балаларға арналған шеберлік сабақтары (бет бояу, жапсырма және т.б.).
- 5) Аниматорлармен және шынайы өлшемдегі қуыршақтармен шоу.
- 6) Белсенділік аймағы (твистер, үлкен шарлар, Дженга, күш өлшегіш және т.б.).
- 7) Спорт алаңы (дәстүрлі спорт түрлері).
- 8) Ерекше оқиға.

Бұл осы айтулы мерекеге жоспарланғанның аз ғана бөлігі!

Бүкіл отбасыңызбен, балаларыңызбен, достарыңызбен және туыстарыңызбен көңіл көтеріңіз.

ТАЛДЫҚОРҒАН ТЫНЫСЫ

«БЕРЕКЕ» ТҮРҒЫНДАРЫМЕН
ЖҮЗДЕСУ

Қала әкімі Ернат Бәзіл «Береке» коттедж қалашығында басталған газ тарту, баспаналарды ретке келтіру және тазалық жағдайын аралап, мердігерлермен жүздесті.



Қала басшысы мұндағы баспаналардың жай-күйін көріп, жауаптыларға сапаға назар аударып, жұмыстың уақтылы аяқталу керектігін қадап айтты.

ЖЫЛЫТУ МАУСЫМЫ

ҚЫСҚА ҚАМДАҒАН ҚАПЫ
ҚАЛМАЙДЫ

Күрең күздің арты қылышын сүйреткен қысқа ұласары сөзсіз. Сондықтан да, «Қысқа қамданған қапы қалмайды», немесе «Қыс қамыңды жаз ойла» деген жақсы тәмсіл бар. Қала тұрғындарының жылы да жайлы пәтерде болуын, сондай-ақ, маңызды әлеуметтік мекемелердің қысқа әзірліктері осы аптада нысықталды.



Қала әкімінің орынбасары Қуаныш Сейтімбетовтің төрағалығымен 2024-2025 жылғы жылыту маусымына дайындық бойынша штаб отырысы өтті.

Штаб отырысына қалалық бөлім, коммуналдық мекеме және ПИК төрайымдары қатысты.

Жиында жылыту маусымының дайындық барысы жайында жауапты бөлім бас-

шыларының баяндамалары тыңдалып, тиісті тапсырмалар берілді.

Естеріңізге салсақ, қала бойынша «Талдықорған жылусервис» КМК жоспарланған 5,4 шақырым жылу желілерінің 5,3 шақырымын аяқтады. Жылу желілерін жүргізу жұмыстары жоспар бойынша 25 қыркүйекке дейін жалғасады.

ОРТАҚ МҮДДЕ

МЕМЛЕКЕТТІК
ҚЫЗМЕТШІНІҢ МІНДЕТІ

Қазақстан Республикасының мемлекеттік қызмет жүйесі қалыптасқаннан бастап мемлекеттік қызметшілердің кәсібилігімен қатар, олардың әдептілігі маңызды, себебі әдептілік мемлекеттік қызметтің басты ұстанымдарының бірі болып табылады.

Мемлекеттік қызметшінің моральдық бет-бейнесі мен этикасына айрықша көңіл бөлуінің себебі – оның іскерлігі ғана емес, айналасындағыларға деген құрметі мен ізетін де жетілдіру. Себебі, мемлекеттік қызметшілердің білімі мен біліктілігіне және жүріс-тұрысына қарай қазіргі қоғамда халықтың атқарушы билік жайлы көзқарасы мен оған деген сенімі қалыптасатыны да белгілі.

Мемлекеттік қызметшілердің сырт келбеті олардың қызметтік міндеттерін орындау кезінде мемлекеттік аппараттың беделін нығайтуға ықпал етуге, іскерлікпен, ұстамдылықпен және ұқыптылықпен ерекшеленетін жалпы қабылданған іскерлік талаптарына сай болуға тиіс.

Мемлекеттік қызметші еліміздегі тілдерге, салт-дәстүрлерге сыйластықпен қарап, әділ де заңды шешімдер қабыл-



дауы, жалған ақпарат таратпауы, сын айтқаны үшін біреуді қудаламауы және мемлекет меншігін тек қызмет бабында пайдалануы қажет. Мұнан бөлек мемлекеттік қызметші жемқорлық фактісіне қатысты, тіпті, есімінің атауына жол бермеуі, қол астындағыларды кемсітпеуі және қызметкерлердің барлығына құрметпен қарауы тиіс.

Бүгінгі таңда, Қазақстанның мемлекеттік қызметшісі халықтың мемлекеттік органдарға сеніммен қарайтын, мемлекеттік қызметте өзара қарым-қатынастың жоғары мәдениетін қалыптастыратын бейне.

Берік АБЫЛХАН,
Талдықорған қаласы бойынша
Әдеп жөніндегі уәкілі

АРДАГЕР АБЫРОЙЫ

ОТАННЫҢ БОЛАШАҒЫ
ЖАСТАРДЫҢ ҚОЛЫНДА

Жетісудың киелі жеті өзенінің бірі – қасиетті Қараталдың бойында туып-өсіп, бабалар өсиетін бойына сіңіріп, ата-ана тәрбиесінен қуат алған Құлдыбаев Сапарғали Иманғалиұлы Көлне ауылындағы орта мектепті 1976 жылы тәмамдайды. 1977-ші жылы Совет Армиясының қатарына шақырылып, Семейдегі әскери бөлімдердің біріне түседі.



Отан алдындағы борышын өтеуге аттанған қатарластарымен бірге түрлі әскери оқу-жаттығуларға қатысып, темірдей тәртіптің қыр-сырын меңгереді. Тағдырдың жазуы болар, бозбала шақта естіген Семей ядролық сынақ алаңындағы жарылыстарға өзі де қатысып, алапат зұлматты басынан өткеруге тура келді. Азаматтық міндетін атқара жүріп, көзінен жарақат алған Сапарғали Иманғалиұлы госпитальда ем қабылдап, қатарға қосылады. Әскери өмірдің екі жылын артқа тастап, отбасына оралысымен құрылыс саласына жұмысқа орналасады. 1998-

ші жылға дейін облысымыздың түрлі саласында автокөлік жүргізушісі болып еңбек етті. Бірақ, әскерде жүріп алған жарақаты зардабынан денсаулығы сыр беріп, жұмыстан қол үзуге тура келеді. Бүгінде Семей полигонының ардагері ретінде жастар тәрбиесіне үлесін қосуда. Әскер қатарындағы азаматтардың шен-шекпеніне қарамай Президентіміздің Жолдауында айтылғандай, заң мен тәртіпті қатаң сақтауы қажет. Жас сарбаздардың Отан алдындағы міндеттерін алаңсыз өтеуі әсіресе маңызды. Олар елдің болашағы,- дейді ардагер.

Гүлжанат НҰРШАНОВА

ОҚЫРМАН ХАТЫ

ТАРИХИ АТАУЫН АЛСА

Әрбір өңірдің тарихи тамыры тереңде жатыр. Патшалық Ресей мен Қызыл империяның тұсында қазақ мекендеген жерлердің атауы басқыншылардың тіліне өзгертілді. Арада жылдар өткен соң ата-баба мекенін жақсы білетін азаматтар елді мекендердің тарихи атауын жаңғыртуға күш салып, Қазақстан Республикасының картасына байырғы атауларды енгізе бастады. Бұл тәуелсіздік нәтижесі еді.



Президент Қасым-Жомарт Тоқаев «Тәуелсіздік бәрінен қымбат» мақаласында еліміздің ұлттық қауіпсіздігін қамтамасыз етудің шалғайдағы ауылдардың іргетасын бекітуден басталатынын айтып өтті. Өз сөзінде «Әрбір халық өзінің арғы-бергі тарихын өзі жазуға тиіс. Бәтен идеологияның жетегімен жүруге болмайды. Ұлттық мүдде тұрғысынан жазылған шежіре ұрпақтың санасын оятып, ұлттың жадын жаңғыртуға мүмкіндік береді деген. Мемлекет басшысы ел мен жердің ертеден қалыптасқан тарихын қалпына келтіру керектігін ұғындырған еді. Осыған орай Жетісу облысының орталығы Талдықорған қаласын жанай ағып жатқан шағын өзеннің басындағы кепке назар аударғымыз келеді.

Еркін ауылын мекендеген халықтың арғы ата-бабалары ежелден екі өзеннің аралығында өмір сүріп, суын ішіп, тіршілік еткен. Оның бірі-бастауын таудан алып, буырқана аққан Қаратал өзені болса, екіншісі – суы тынып жататын кішігірім Көктал өзені. Шынында батыр бабаларымыз ел мен жердің, тау мен судың атауын көрінісіне, кескін-келбетіне, тұрған жеріне, қоршаған ортасына байланысты қылып, ұрпақтан ұрпаққа аманаттап жеткізіп, рухани мұра ретінде сақтап келген. Мысалы, Қаратал өзені Жетісу Алатауынан Шажа-Қора өзендерінен бастауын алады. Талдықорған қаласының тұсында Көкталға қосылып, сонау Балқаш көліне қарай ағады. Жағасында шоқтанып өсетін талдың түсіне қарай Көктал атанған. Суы – мөлдір, аса терең емес, жаз айларында тереңде жатқан әр тастың түр-түсі айқын көрінеді. Бала кезімізде судың кісі бойла-

мас жеріне тасталған ақ тасты тауып алып жарысып ойнайтынбыз. Ол да бір дәурен екен.

Көкталдың мөлдір суын мекендеген майшабақтың (форель) маринка және осман деген екі түрі жаз шыққанда уылдырық шашу үшін Балқаш көлінен өрлеп, тау өзеніне беттейтін. Оны көрген келімсек орыстар өзенді «Балықты» атап кетті. Балығы көп болған соң өз білгенін істегендер өзеннің ертеден қалыптасқан атын мансұқтап, КСРО тұсында картаға түсіртіп жіберген. Осылайша, Қызылтас деген жер аты да Қаратал мен Көкталдың қосылған тұсында «Красный камень» деген саяжайға айналды. Содан бері ата-бабаларымыз аманатқа қалдырған Көктал өзенінің атауы Талдықорған-Өскемен жолының бойында «Балықты» болып тұр. Тәуелсіздік алғалы бері Қазақстан Республикасының байырғы жер атаулары қайтарылып, әділдік орнап жатқанын жақсы білеміз. Осыған орай, байырғы жергілікті халықтың Жетісу Алатауынан бастау алған шағын өзеннің тарихи атын қайта алса деген тілегі бар. Біздің бастамамызды Еркін және Көктал ауылының тұрғындары жаппай қолдайды.

Тортай ІЗБАСҚАНОВ,
Еркін ауылдық ардагерлер кеңесінің
төрағасы, «Талдықорған қаласының
Құрметті азаматы».

Мамай НҰРЫШЕВ,
Көктал ауылдық кеңесінің төрағасы.

Арыстанбек БИБАТІРОВ,
Еркін ауылдық ардагерлер
кеңесінің мүшесі.

ЖАҢАШЫЛДЫҚ

ЦИФРЛЫҚ ТРАНСФОРМАЦИЯЛАУДЫҢ БІЛІМ БЕРУ ҰЙЫМДАРЫНДАҒЫ МӘНІ МЕН БЕЛГІЛЕРІ

Ағамзат қазіргі қоғам өмірінің барлық салаларын игерген және қоршаған шындықты түбегейлі өзгертетін ақпараттық-коммуникациялық технологияларды кеңінен игеруде.

«Біз адами капитал табиғи байлықтан маңыздырақ болатын дәуірге кірдік», – деп мемлекет Президенті Қасым-Жомарт Кемелұлы Тоқаев білім беру технологияларын қарқынды дамытудың маңыздылығын көрсетеді. Білім беру процестерін цифрлық трансформациялау – қызмет көрсету сапасын арттырудың кілті.

Қазіргі уақытта барлығы жасанды интеллект пен қоғамның цифрлық трансформациясы білімге қалай әсер ететінін белсенді түрде бақылап отыр. Осы орайда, жасанды интеллект пен цифрлық трансформация білім беру мазмұнына, құрылымдауға, білім беру процесін ұйымдастыруға, оқушылардың мотивациясына қалай әсер етеді, мұғалім мен оның жұмысы осы процестердің әсерінен қалай өзгереді деген сұрақтар туындайды.

Бұл сұраққа жауап беру үшін директордың орынбасары ретінде, адами ресурстармен жұмыс істейтін қызметкер ретінде, ақпараттық-коммуникациялық технологиялардың негізгі өкілі ретінде барлық салаларын толық цифрландырудың әсерінен Талдықорған қаласындағы орта мектептерде білім беру жүйесінің өзгерістерін талдап зерттеуді мақсат етіп алдым.

Осы саладағы арнайы әдебиеттер мен зерттеулерді талдай отырып, цифрлық

ақпараттық-білім беру ортасы мыналарды қамтамасыз етуі керек деген тұжырымға келдім. Олар:

- білім беру үдерісін ақпараттық-әдістемелік қолдау;

- білім беру үдерісін және оны ресурстық қамтамасыз етуді жоспарлау;

- білім беру үдерісінің барысы мен нәтижелерін мониторингге және тіркеу;


- білім алушылардың денсаулығын бақылау;

- ақпаратты құру, іздеу, жинау, талдау, өңдеу, сақтау және ұсынудың заманауи процедуралары;

- білім беру үдерісінің барлық қатысушыларының (білім алушылардың, олардың ата-аналарының (заңды өкілдерінің), педагог қызметкерлердің, білім беру саласындағы басқару органдарының, жұртшылықтың), оның ішінде қашықтықтан білім беру шеңберінде қашықтықтан өзара іс-қимылы;

- білім беру мекемесінің әлеуметтік саланың басқа ұйымдарымен: балаларға қосымша білім беру мекемелерімен, мәдениет, денсаулық сақтау, спорт, демалыс мекемелерімен, халықты жұмыспен қамту қызметтерімен, тыныс-тіршіліктің қауіпсіздігін қамтамасыз етумен қашықтықтан өзара іс-қимылы.

Педагогикалық қызметкерлердің цифр-



лық құзыреттілігін дамыту саласындағы зерттеулер білім беру ортасы қызметкерлерінің цифрлық құзыреттілігін қалыптастырудың жеткіліксіз екенін көрсетеді.

Білім берудегі трансформациялық өзгерістерге байланысты келесі тапшылықтарға да назар аудару қажет:

- білім беру курстары мен бағдарламаларын іске асыруға онлайн-форматтар мен құралдарды енгізу бойынша білім мен практиканың әдістемелік тапшылығы, жаңа цифрлық дидактика мен жұмыс әдістемесіне сұраныс беру;

- өзекті электрондық сервистер мен құралдарды пайдалана отырып, курстар мен бағдарламаларды іске асыру үшін заманауи ақпараттық технологияларды

жеткіліксіз меңгеруден тұратын техникалық тапшылық.

Білім берудегі цифрлық трансформация студенттер мен мұғалімдерге икемді, қолжетімді және жекелеңдірілген оқыту мүмкіндіктерін ұсына отырып, жаңа көзқарастарды ашады. Бұл тез өзгеретін әлемге сәтті бейімделу үшін қажетті маңызды дағдыларды дамытуға ықпал етеді. Дегенмен, цифрлық трансформацияның әлеуетін толық іске асыру үшін білім беру ресурстарына тең қолжетімділікті қамтамасыз ету және жеке деректерді қорғауды қоса алғанда, бірқатар қиындықтарды еңсеру қажет. Табыстың негізгі факторы білімде.

Айгерім ҚУНАҚБАЕВА,
«№29 орта мектеп-лицей» КММ директордың оқу ісі жөніндегі орынбасары

СПОРТ

ЖЕТІСУЛЫҚ ШЕКАРАШЫЛАР ҮЗДІКТЕР ҚАТАРЫНДА

ҚР ҰҚК Шекара қызметі «Алматы» жабдықтай басқармасының біріншілігіне арналған футболдан сайыс ұйымдастырылды. Спорттық шарада жырма екі команда бақ сынады. Тартысты өткен қарымтада ҚР ҰҚК Шекара қызметі Жетісу облысы бойынша департаментінің сақшылары үшінші орын алды.



Алматы қаласының орталық стадионында өткен шараға жетісулық шекарашыларды бастап барған өкіл және бас шабуылшы майор Сұлтан Саменов:

- *Адамның физикалық күшін арттыруда, қайраты мен жігерін шыңдауда спорттың алатын орны ерекше. Сондықтан да дене шынықтырумен айналысуды әр адам әдетке айналдыруы тиіс.*

Ал футбол ойынының өскелең ұрпаққа патриоттық тәрбие берудегі алатын орны бөлек. Жастардың алдында аға ұрпақтың футболға деген құрметін үлгі ретінде көрсетеді. Олардың спортқа деген құлшынысын оятады. Бір сөзбен айтқанда, күнделікті өмірімізді дене жаттығуларына арнау туралы тәжірибелік насихат болып табылады.

Бүгінгі жарыстың нәтижесінде алдыңғы үштіктен көріндік. Жаман көрсеткіш емес. Біз үшін ең бастысы жақсы ойын көрсету болатын. Біз - ол мақсатымызға қол жеткіздік, - дейді.

ҚР ҰҚК Шекара қызметі
Жетісу облысы бойынша департаменті

БРИФИНГ

НЕСИЕЛІК КАНИКУЛ, ӘСКЕРДЕН КЕЙІНГІ ЖОҒАРЫ БІЛІМ



Ата-ана баласын әскерге жібергенде оның қауіпсіздігі үшін Алаңдамауы керек. Бұл – мемлекетіміздің мойнына алған міндеті. Президент Қ.Тоқаев әскери қызметшілердің өмірі мен денсаулығын сақтау, әскери ортадағы моральдық-психологиялық ахуалды жақсарту маңызды екенін әрдайым ескертіп келеді. Мәртебелі міндетті абыроймен атқарып, ел тыныштығы мен қауіпсіздігі жолында еңбек етуге аттанған жауынгерлерге мемлекет тарапынан қауіпсіздік шараларынан өзге бірқатар бағдарламалар мен қолдаулар бағытталған. Осы орайда азаматтарды күзгі мерзімді әскери қызметке шақыру және несиелік каникул, әскерден кейінгі жоғары білім жөнінде Талдықорған қалалық қорғаныс істері жөніндегі басқармасының қызметкерлері баспасөз мәслихатында баяндады.

Банктер армияда мерзімді борышын өткеріп жүрген сарбаздардың несиелерін тоқтатады. Еліміздің барлық өңірінің әскерге жинау пункттерінде әскерге шақырылушыларда кредиттер мен қарыздардың болуы туралы ақпарат жинау жұмыстары жүргізілуде. Несиелері бар жастар жергілікті әскери басқару органы басшысының атына қарыз алушының атауын, төленуге тиісті соманы және қарызды төлеуге байланысты өзге де деректерді көрсете отырып өтініш береді. Қарыздың бар екендігі туралы хабарлап үлгермеген сарбаздар

бұл мәселені бөлімнің басшылығына жазбаша өтініш беру арқылы шеше алады. Бұл ретте, жергілікті әскери басқару органының атына берілген туыстарының өтініштері де қаралады. Алынған мәліметтер реттеушіге беріледі. Өз кезегінде ҚР Қаржы нарығын реттеу және дамыту агенттігі әскерге шақырылған сарбаздарға негізгі борыш пен сыйақы бойынша төлемдерді кейінге қалдыру қажеттігі туралы қаржы мекемелерін хабардар етеді.

«Әскери қызмет және әскери қызметшілердің мәртебесі туралы»

ҚАЛҚАН

ӨМІРІҢДІ САҚТА!

Жетісу гарнизоны Әскери полиция бөлімінің қызметкерлері Жамбыл облыстық қорғаныс істері жөніндегі департаментті қызметкерлерімен алдын алу іс-шарасын өткізді.

Алдын алу іс-шарасы осы жылға арналған Қазақстан Республикасы Қарулы күштерінің әскери бөлімдері мен мекемелерінде «Өміріңді сақта!» ведомстваралық бағдарламасын іске асыру жөніндегі іс-шаралар жоспарының талаптарын және Қазақстан Республикасы Қарулы күштерінің әскери бөлімдері

мен мекемелердегі оқиғалар мен құқық бұзушылықтардың нүктелік алдын алудың әдістемесінің қыркүйек айына жоспарланған алдын алу шараларын орындау мақсатында өткізілуде.

Іс-шараға Әскери полиция бөлімінен әділет майоры Нұрбол Зейтинов, майор Мадияр Айдарбек, аға лейтенант Қайрат

Рахымжан, Жетісу облысы Полиция департаменті жергілікті полиция қызметі басқармасы бастығының орынбасары полиция подполковнигі Аида Белгібаева және экстремизмге қарсы іс-қимыл басқармасының аға жедел уәкілі, полиция майоры Айдын Бимұратов қатысты.

Шарада лауазымды тұлғалар «Суицид көріністерінің алдын алу», «Назар сал, жаяу жүргінші!», «Әкімшілік құқық бұзушылықтары үшін жауапкершілік» және «Айыппұлсыз жол» – атты тақырыпта бейнероликтерді көрсете отырып сабақ өткізді.

Жетісу гарнизонының баспасөз қызметі

